

爲九條右大臣請減職封表

菅三品時文

臣師輔言○中臣謹尋古來大臣之新除者莫不割其職封返之公府○中伏乞鴻慈據考舊典折戶邑之一半支國用之錙銖非唯拂浮雲於衡門最願掃輕塵於嵩嶽不勝懇款之至拜表以聞臣某誠惶誠恐頓首頓首死罪死罪謹言

天曆元年閏七月廿九日

右大臣從二位兼行左近衛大將藤原朝臣上表

〔日本紀略五冷泉〕安和元年三月廿二日乙巳太政大臣○實藤原辭職封職田資人新俸等被許之勅答大

內記成忠作之

〔本朝續文粹五〕堀河右丞相辭封戶讓女子狀

實範朝臣

請被殊蒙鴻慈割分封戶五百烟讓與女御從二位藤原朝臣延子狀

若狹國廿五烟

加賀國五十烟

丹波國廿五烟

播磨國廿五烟

美作國廿五烟

備前國廿五烟

備中國廿五烟

讚岐國廿五烟

伊豫國廿五烟

土佐國廿五烟

右延子者先朝○朱雀後聖主之女御當時齋王○良子之母儀也梧岫之雲色愁鼎湖之浪聲咽以來永出紫微之禁闈終歸紅塵之俗境二八廻之星霜雖積百千行之涕淚未乾告時之思莫不悵然臣仕五代之朝廷及七旬之暮齡非武非文無勳無德惟受親戚之餘慶久兼相將之清班然間自去年之肇秋至今茲之孟夏風露易侵十月全黏於病席之上效驗難及一日不離於藥爐之邊當于斯時每見賤子至孝之甚深彌增微臣偏愛之懇篤嗟呼悲哉先朝露而填溝壑之後又憑誰人之扶持矣抑割分封戶田充子息之例縱事希于曩篇縱跡絕于往策然猶或以父職而讓子或以子爵而讓父者王政之常也准